

Kommunalbestyrelsip ulloq 15. juni 2010 ataatsimiinneranit suliassartaa

03A 2009-mut naatsorsuutit – Deloitte mit killiflik pillugu allakkiaq

Ilisimatitsissut

J.nr.:06.03.01/2009

Aningaasaqarnermut Inuussutissarsiornermullu ingerlatsivik, pisortaanerugallartoq, Stine Johansen

Suliassamik eqikkaaneq

Januaarip qaammataani Aningaasaqarnermut ataatsimiititap kommunit kukkunersiusunik Deloittekkunnik 2009-mut naatsorsuutinik eqqortunik tunniussisoqarnissaanik suleriaasisanillu siunertaqarluartunik pilersitsoqarnissaanik qulakkeerinnittussanik suleqateqartoqaler-nissap aallartinneqarnissaakuersissutigaa.

2010-mi maajip ulluisa 27-aní allakiakkut kukkunersiusut manna tikillugu suliassat isumaqatigiissutaasut killiffiannik suliaqarlutik nalunaarput.

Nalunaarummi allassimavoq 2009-mut naatsorsuutit nassiunneqartut 2009-mi decembarip ulluisa 31-aní naatsorsuutit oqimaaqatigiissinnerannik imaqanngimmat 2009-mut naatsorsuutit kukkunersiusut tamakkiisuunnginnerataat.

Aammattaaq nalunaarummi allassimavoq ukiumoortumik naatsorsuutivinnik ilaatigut innuttaasut akiligassaannik aamma 2009-mut naatsorsuutini 2010-mullu naatsorsuutini aningaasartuutinik kontunut inissiortornerit pilligit nalornissutigineqartut pilligit allaaserisanik imaqartunik saqqummiussisoqarnissaakukkunersiusut siunnersuutigaa.

Kukkunersuisut oqaatigaat nalornisutigineqartut tassaanerusut aningaaserivinni kontuni, akissarsiani aningaasanillu inissiinerni assigiinngitsuni oqimaaqatigiissitsinerni nalornissutigineqartut.

Kiisalu kukkunersiusut 2009-mut naatsorsuutinut tunngatillugu kukkunersiuineq suleriaasisanik allaaserinninnernissamut il.il. pilersaarusiornermik kinguartitsinermik kinguneqartoq aamma aaqqissuuussaanermi arlalinnik suliniuteqartoqarnissa aqutsisunut siunnersuuteqartoqarsimanera eqqumaffigineqartariaqartoq oqaatigaat.

Inassuteqaat

Aningaasaqarnermut ataatsimiititap kommunalbestyrelsimit inassuteqaatigaa:

- Kommunalbestyrelsip ingerlatsivimmit nassuaat tusaatissatut tigussagaa

Aalajangiineq

Kommunalbestyrelsip aalajangernera 15-06-2010

Aningaasaqarnermut Inuussutissarsiornermullu pisortaq Karsten Stounberg ilisimatitsisummik saqqummiussivoq. Kommunalbestyrelsip ilisimatitsissut tusaatissatut tiguaa.

Aningaasaqarnermut ataatsimiititap 08.06.2010 aalajangiinera:

Ilisimatitsissut tusaatissatut tiguneqarpoq. Peter Wistoft kukkunersuisuninngaanniit itisiliilluni saqqummiivoq.

Aningaasaqarnermut pisortaq Karsten Stounberg siumut isigisumik aningaasaqarnermut ingerlatsivimmi aaqqiissutissanik nassuaateqarpoq

Kiisalu borgmesterip piumasaqaatigaa "missingersuutinik malinnaatitsineq" qammatikkaartumik paasissutissutisgarnera aallartissasoq.

Suliassamik saqqummiussineq

Kukkunersiusut allakkiaminni 2009-mut naatsorsuutinik naammassinninnerminnut attumasuteqartunik ajornartorsiutinik arlalinnik nassuaateqarput.

Kommuneqarfik Sermersuup pilersinneqarneratali kingorna ingerlaatsimik kommune tamaat eqqarsaatigalugu naatsorsuutini oqimaaqatigiissitsinernik, uppernarsaatinik il.il. pisariaqartineqartunik naammattunik pissarsinissanut aaqqissuussisoqarsimanngilaq. Taamaattumik 2009-mut naatsorsuutivinnik ataatsimoortunik saqqummiussisoqarsinnaasimanngilaq.

Ukiuni naatsorsusiorfiusuni oqimaaqatigiissitsisimannginnerit aningaasanillu kontunut inissiortorsimannginnerit kingunerisaannik 2010-mut missingersuutinik eqqortumik malinnaatitsinissaq nalorninartortaqassaaq.

Kukkunersiusunit atortussat pillugit pilersaarummik tigusisoqarnerata kingorna amigaatit paasineqartut iluarsiiiffinginiarlugit ingerlatsivimmi sulisuni sillimmaterpassuit atorneqarsimapput, ilaatigulli kommunitoqqani sulinermi sungiusimariikkat allanngortinneqarsimanerat siullermik naatsorsuutigineqartumit piffissaajaataanerusimapput soorluttaaq atortussanik suli naammassineqanngitsunik pissarsiniarnermi aqutsisussamik aningaasaqarnermut ingerlatsivimmi immikkoortitsisoqarsimasoq.

Taamatut immikkut ittumik suliniuteqarnerup kingunerisaanik ingerlaatsimi annertuumik siuariartoqarpoq, naak kukkunersiusut allakkiaanni amigaatit oqaatigineqartut suli amigaatigineqarluuartut.

Aaqqiissutissatut siunnersuut

Naatsorsuutini ajornartorsiutaasut kukkunersiusut allakkiaanni oqaatigineqartut kukkunersiusut pisortaanerugallartullu 2010-mi maajip ulluisa 25-ani ataatsimiinnerminni oqaluuseraat.

Tamanna tunngavigalugu oqimaaqatigiissitsinissamik il.il. suliarinninnissamut pisariaqartinneqartumik piffissalersuut sukumiinerusoq pillugu isumaqatigiissuteqartoqarpoq, taamaalilluni 2009-mut naatsorsuutit nangaassutitaqanngitsumik kukkunersiusunit atsiorneqarsinnaaniassammata.

Piffissalersuutip kingunerisaanik kukkunersiusut naammaginartitaannik kingusinnerpaamik juunip ulluisa qulingani oqimaaqatigiissitsinissanik ataasiakkaanik uppernarsaatinillu pissarsinerit naammassineqassapput kiisalu naatsorsuutivinnik saqqummiussinikkut suliassat qitiutinneqassapput.

Piffissaq sivikigineqartorujussuuvoq kisiannili ingerlatsivimmi sulisut sakkortuumik pingaarnersiuinersigut piffissalersuut malinnejqarsinnaassaaq.

Suleriaasissanik saqqummiussinissaq, soorlu allakkiami oqaatigineqartoq, 2010-mi aasamut/ukiamut kinguartinneqarpoq, tassami aningaaserivinni akissarsianillu naatsorsuutit maannakkut oqimaaqtigiissitsilluni suliaqarneq ilutigalugu ingerlaavartumik pisariaqartinneqartumillu suliniuteqarfigineqartussaammata.

Aasaanerani sulinngiffeqartoqalinnginnerani piffissalersuut aamma iliuusissatut pilersaarut suliarineqassapput taakkulu iluaqtigalugit suleriaatsit ukiap ingerlanerani inissinneqarnissaat qulakkeerneqassaaq, taamaalilluni 2010-mut naatsorsuutinik eqqortunik pilersitsinissamut tunngavissiisoqarniassammat.

Aningaasatigut naliliineq

2009-mut naatsorsuutinik tamakkiisumik kukkunersiusunik ikiorteqarluni suliarinninneq manna tikillugu siumut oqaatigineqareersumit aningaasartuutaanerussaaq.

Akerlianilli kukkunersiusunik suleqatigiinnissamik isumaqatigiissuteqaaqqaarnermi siumut oqaatigineqareersuminngarnit suleriaasissanik aamma aningaasanik aqutseriaatsinik il.il. saqqummiussinermi suleqataasoqarneruneratigut aningaasaqarnermut ingerlatsivimmi sulisunik sillimmatinik pingaarnersiusisoqarsinnaanerussaaq.

Ingerlatsivimmili isumaqartoqarpoq 2010-mi kukkunersuinernut allanullu avataanit sullinneqarnernut missingersuutini immikkoortinneqarsimasut iluanni aningaasartuutit tamarmik akilerneqarsinnaassasut.

Inatsisitigut tunngavissaq

Kommunit aqunneqarnerat pillugu Inatsisartut inatsisaat nr. 14, 5. decembari 2008-meersoq.

Ingerlariaqqinnissaq

Suliassaq tusaatissatut tigusaavoq matumalu kingorna Kommunalbestyrelsimi tusaatissatut tiguneqartussanngorlugu nassiunneqassaaq.

Aningaasaqarnermut ingerlatsivimmit oqaaseqaatit

Aningaasaqarnermut ingerlatsivimmit oqaaseqaateqartoqanngilaq.

Ilanngussaq

1. 2009-mut naatsorsuutit pilligit Deloittemit allakkiaq ulloq 27. maaji 2010-mi ullulerneqarsimasoq.